



Ad dūni wā yaa noogo n yaa bugsgo, la ad Wēnd na n ledsa yāmb a pugē arzēgsē wā n ges būmb ning yāmb sēn na n tume, bɪ y zoe dūni la pagbā

Yii a Abu Saud Al-hudriy nengē (Wēnd yard be a yīnga) tɪ yii Nabiyaamā nengē, (Wēnd puusg la A tɪlgr be a yīnga) yeelame: «Ad dūni wā yaa noogo n yaa bugsgo, la ad Wēnd na n ledsa yāmb a pugē arzēgsē wā n ges būmb ning yāmb sēn na n tume, bɪ y zoe dūni la pagbā, tɪ ad rēenem fitna (zarb-n-ges) sēn zīnd [sraeɛl koambē yu pagbē wā].

[Naşun Şahuhun (Gom-sikdem sēn manege)] [A Muslim n togs-a]

Nabiyaamā (Wēnd puusg la A tɪlgr be a yīnga) vēnegdame n wilgdē, tɪ dūni yaa noogo a lembgē, n yaa bugsgo, n yaa kōodre a gēsgē, tɪ ninsaal belg a meng ne-a n nidgd pānga a pugē, n rɪk a yuugrā fāa gilli tɪ yaa yēnda. La ad Wēnde, (A Naam yɪlg n zēke), A maanan tōnd sānda tɪ d ledd taaba dūni-kāngā vumā pugē, n na n ges d sēn na n tum a soaba, d na n yals ne A tūudmā bɪ d na n kus-A lame? Rē poorē t'a yeele: gūus-y tɪ dūni wum-noogā la a faas-teedā ra wa belg yāmb ye, n tall yāmb tɪ y bas būmb ning Wēnd sēn sagl yāmb ne wā ye, n wa tɪ lɪ b sēn gidg yāmb a soabā zug ye. La būmb ning bedrem sēn yuud tɪ y sōmb n gūus y mens n yi dūni wā fitna wā, ad yaa pagbā fitna, bala yēnda la rēenem Fitna [sraeɛl koambā sēn lɪ a zugu.

<https://sunnah.global/hadeeth/mos/show/3053>

